

靈苑方治乳痛癰初發腫痛結硬欲破膿令一服差

以北來真樺皮無灰酒服方寸匕就之卧及覺已差

聖惠方主婦人乳癰不消

古用白麩半斤炒令黃色用醋煮爲糊塗於乳上卽消

產寶治乳及癰腫

雞屎末服方寸匕須臾三服愈梅師方亦治乳頭破裂方

簡要濟眾治婦人乳癰汁不出內結成膿腫名妬乳方

露蜂房燒灰研每服二錢水一中盞煎至六分去滓温服

又方治吹妳獨勝散

白丁香半兩搗羅爲散每服一錢匕温酒調下無時服

道藏輯要

肘後備急方

七

虛集十一

子母祕錄療吹妳惡寒壯熱

猪肪脂以冷水浸搗之熱卽易立效

楊炎南行方治吹妳疼痛不可忍

用穿山甲炙黃木通各一兩自然銅半兩生用三味搗羅爲

散每服二錢温酒調下不計時候

食醫心鏡云治吹妳不痒不痛腫硬如石

以青橘皮一兩湯浸去穢焙爲末非時温酒下一錢匕

治腸癰肺癰方第三十七

葛氏大人小兒卒得惡瘡不可名識者

燒竹葉和雞子中黃塗差

又方取蛇床子合黃連二兩末粉瘡上燥者猪脂和塗差
又方燒蛇皮末以猪膏和塗之

又方煮柳葉苦參洗之亦可內少鹽此又療面上瘡

又方臘月猪膏一升亂髮如雞子大生鯽魚一頭合煎令消盡
又內雄黃苦參末二兩大附子一枚末絞令凝以傅諸瘡無
不差胡洽療痲疽疥大効

瘡中突出惡肉者

末烏梅屑傅之又末硫黃傅上燥者唾和塗之

惡瘡連痲痒痛

搗扁豆封痲落卽差近方

道藏輯要

肘後備急方

六

盧集十一
川〇上

小品療痲癬疥惡瘡方

水銀礬石蛇床子黃連各二兩四物搗篩以臘月猪膏七合
并下水銀攪萬度不見水銀膏成傅瘡并小兒頭瘡良襲慶
宣加藺茹一兩療諸瘡神驗無比

姚療痲疥

雄黃一兩黃連二兩松脂二兩髮灰如彈丸四物鎔猪膏與
松脂合熱搗以傅瘡上則大良

又療惡瘡粉方

水銀黃連胡粉熬令黃各三兩下篩粉瘡瘡無汁者唾和之
小兒身中惡瘡

取笋汁日澡洗以笋殼作散傅之効
人體生惡瘡似火自爛

胡粉熬黑黃檗黃連分等下篩粉之也

卒得惡瘡

蒼耳桃皮作屑內瘡中佳

頭中惡瘡

胡粉水銀白松脂各二兩臘月猪膏四兩合松脂煎以水銀
胡粉合研以塗上日再胡洽云療小兒頭面瘡又一方加黃
連二兩亦療得禿瘡

惡瘡雄黃膏方

道藏輯要

肘後備急方

九

盧集十一
川一川

雄黃雌黃並末水銀各一兩松脂二兩猪脂半斤亂髮如雞
子大以上合煎去滓內水銀傅瘡日再

効方惡瘡食肉雄黃散

雄黃六分藺茹礬石各二分末瘡中日二

療瘡方最去面上粉刺方

黃連八分糯米赤小豆各五分吳茱萸一分胡粉水銀各六
分搗黃連等下篩先於掌中研水銀使極細和藥使相入以
生麻油總稀稠得所洗瘡拭乾傅之但是瘡即療神驗不傳
甘家松脂膏療熱瘡尤啣膿不痂無癢方

松脂白膠香薰陸香各一兩當歸蠟各一兩半甘草一兩並

切猪脂羊腎脂各半合許生地黃汁亦半合以松脂等末內
脂膏地黃汁中微火煎令黃下臘紮去滓塗布貼瘡極有驗
甘家祕不能傳此是半劑

地黃膏療一切瘡已潰者及灸貼之無痂生肉去膿神祕方

地黃汁一升松脂二兩薰陸香一兩羊腎脂及牛酥各如雞
子大先於地黃汁煎松脂及香令消即內羊脂酥并更用蠟
半雞子大一時相和緩火煎水盡膏成去滓塗帛貼瘡日一
二易加故緋一片亂髮一雞子許大療年深者十餘日即差
生肉祕法

婦人頰上瘡差後每年又發甘家祕方塗之永差

道藏輯要

肘後備急方

三

虛集十一
川上文

黃礬石二兩燒令汁盡胡粉一兩水銀一兩半搗篩礬石胡
粉更篩先以片許猪脂於瓷器內熟研水銀令消盡更加猪
脂并礬石胡粉和使粘稠洗面瘡以塗上又別熬胡粉令黃
塗膏訖則薄此粉數日即差甘家用大驗

療癩瘡但是腰腳以下名爲癩此皆有蟲食之蟲死即差此方
立驗

醋泔澱一碗大麻子一盞白沙鹽末各一抄和攪以傅瘡乾
更傅先溫泔淨洗拭乾傅一二度即差孔如針穴皆蟲食大
驗

効方惡瘡三十年不愈者

大黃黃芩黃連各二兩爲散洗瘡淨以粉之日三無不差又黃槩分等亦佳

葛氏療白禿方

殺豬卽取肚破去屎及熱以反榻頭上須與蟲出著肚若不盡更作取令無蟲卽休

又方末藜蘆以臘月猪膏和塗之五月漏蘆草燒作灰膏和使塗之皆先用鹽湯洗乃傅

又方羊蹄草根獨根者勿見風日及婦女雞犬以三年醋研和如泥生布拭瘡令去以傅之

姚方以羊肉如作脯法炙令香及熱以榻上不過三四日差

道藏輯要

肘後備急方

三

虛集十一
川文上

又方先以阜茨湯熱洗拭乾以少油摩塗再三卽差
附方

千金方治遍身風痒生瘡疥

以蒺藜子苗煮湯洗之立差千金翼方同

又方茵陳蒿不計多少煮濃汁洗之立差

千金翼方瘡癬初生或始痛痒

以薑黃傅之妙

又方嚼鹽塗之妙

又方漏瘤瘡濕癬痒浸淫日癢痒不可忍搔之黃水出差後復發

取羊蹄根去土細切搗以大醋和淨洗傅上一時間以冷水洗之日一傅差若爲末傅之妙

外臺祕要治癬瘡方

取蟾蜍燒灰末以豬脂和傅之

又方治乾癬積年生痂搔之黃水出每逢陰雨卽痒

用斑猫半兩微炒爲末蜜調傅之

又治疥方

搗羊蹄根和豬脂塗上或著鹽少許佳

斗門方治疥癬

用藜蘆細搗爲末以生油調傅之

道藏輯要

肘後備急方

三

盧集十一
川三一

王氏博濟治疥癬滿身作瘡不可治者

何首烏艾等分以水煎令濃於盆內洗之甚能解痛生肌肉

簡要濟眾治癬瘡久不差

羊蹄根搗絞取汁用調膩粉少許如膏塗傅癬上三五遍卽

差如乾卽豬脂調和傅之

鬼遺方治疥癬

松膠香研細約酌八少輕粉表令勻凡疥癬上先用油塗了

擦末一日便乾頑者三兩度

聖惠方治癬濕痒

用楮葉半斤細切搗爛傅癬上

楊氏產乳療瘡疥

燒竹葉爲末以雞子白和之塗上不過三四次立差

十全方治疥瘡

巴豆十粒火炮過黃色去皮膜右順手研如麩入酥少許膩

粉少許同研勻爪破以竹篋子點藥不得落眼裏及外腎上

如熏灸著外腎以黃丹塗甚妙

經驗方治五般瘡癬

以韭根炒存性旋搗末以豬脂油調傅之三度差

千金方療漆瘡

用湯漬芒硝令濃塗之乾即易之

道藏輯要

肘後備急方

三

虛集十一

譚氏治漆瘡

漢椒湯洗之即愈

千金翼治漆瘡

羊乳傅之

集驗方治漆瘡

取蓮葉乾者一斤水一斗煮取五升洗瘡上日再差

斗門方治漆咬

用韭葉研傅之食醫心鏡同

千金方主大人小兒風癢癰毒心迷悶方

巴豆二兩搥破以水七升煮取三升以帛染拭之

外臺祕要塗風癩

取枳實以醋漬令濕火炙令熱適寒溫用熨上卽消
斗門方治癩癧

棟皮濃煎浴之

梅師方治一切癩

以水煮枳殼爲煎塗之乾卽又塗之

又方以水煮芒硝塗之

又治風癩癧方

以水煮蜂房取二升入芒硝傅上日五度卽差

聖惠方治風瘙癩癧遍身痒成瘡

道藏輯要

肘後備急方

雷

虛集十一

用蠶沙一升水二斗煮取一斗二升去滓溫熱得所以洗之

宜避風

千金翼療丹癩癧方

酪和鹽熱煮以摩之手下消

又主大人小兒風癩

茱萸一升酒五升煮取一升帛染拭之

初虞世治皮膚風熱遍身生癩癧

牛蒡子浮萍等分以薄荷湯調下二錢日二服

經驗後方治肺毒瘡如大風疾綠雲散

以桑葉好者淨洗過熟蒸一宿後日乾爲末水調下二錢七

肘後方治卒得浸淫瘡轉有汁多起心早治之續身周匝則殺
人

以雞冠血傅之差

又方療大人小兒卒得月蝕方

於月望夕取兔屎及內蝦蟇腹中合燒為灰末以傅瘡上差

集驗方療月蝕瘡

虎頭骨二兩搗碎同猪脂一升熬成膏黃取塗瘡上

聖惠方治反花瘡

用馬齒莧一斤燒作灰細研猪脂調傅之

又方治諸瘡腐肉如蠟出數寸

道藏輯要

肘後備急方

三

虛集十一
川三十一

用硫黃一兩細研腐肉上薄塗之即便縮

鬼遺方治一切瘡肉出

以烏梅燒為灰研末傅上惡肉立盡極妙

簡要濟眾方傅瘡藥

黃藥子四兩為末以冷水調傅瘡上乾即旋傅之

兵部手集治服丹石人有熱瘡疼不可忍方

用紙環圍腫處中心填硝石令滿匙抄水淋之覺其不熱疼

即止

治頭瘡及諸熱瘡

先用醋少許和水淨洗去痂再用溫水洗裏乾百草霜細研

入膩粉少許生油調塗立愈

治惡瘡

唐人記其事云江左常有商人左膊上有瘡如人面亦無它苦商人戲滴酒口中其面亦赤色以物食之亦能食食多則寬膊內肉脹起或不食之則一臂痺有善醫者教其歷試諸藥金石草木之類悉試之無苦至貝母其瘡乃聚眉閉口商人喜曰此藥可治也因以小箆筒毀其口灌之數日成痂遂愈然不知何疾也謹按本經主金瘡此豈金瘡之類歟

治卒得癩皮毛變黑方第四十

癩病方

道藏輯要

用後備急方

三

虛集十一
川X上

初覺皮膚不仁或淫淫苦痒如蟲行或眼前見物如垂絲或癩瘡赤黑此卽急瘰癧夷酒佳善

療白癩

苦參五斤酒三斗漬飲勿絕并取皮根末服効驗

又方艾干莖濃煮以汁漬麴作酒常飲使醺醺姚同

姚方大蝮蛇一枚切勿令傷以酒漬之大者一斗小者五升以糠火温令下尋取蛇一寸許以臘月猪膏和傅瘡差

亦療鼠瘦諸惡瘡

苦參二斤露蜂房二兩麴二斤水三斗漬藥二宿去滓黍米二升釀熟稍飲日三一方加蝟皮更佳